



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CVII. Ein Iustrument oder offenn Schrifft, dorinne gemeldet, Wie her Valentin, Abt zu Lenyn, vnd Herr Peter, Abt zu Coryn, Hern Arnoldum, Abt zur Hymmelpforten, vonwegen seiness Alterss vnd ...

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

CVII. Ein Inſtrument oder offenn Schrift, dorinne gemeldet, Wie her Valentin, Abt zu Lenyn, vnd Her Peter, Abt zu Coryn, Hern Arnoldum, Abt zur Hymmelpforten, vonwegen ſeines Alters vnd Vnuormöglicheit vff ſein vleiffig vnd embſigk bitt, ſeins Ampts vnd der Abtey erlaſſen vnd an Sein Statt bruder Heynrichen Schmidt, Sup-Prioren deſſelben Cloſters zu einem Abt zur Hymmelpforten wehlen, approbiren vnd Confirmiren Vnd Ime alſo mit eynfhurung In di kirchen vnd Abtey daſs Regiment beſehlen etc.

Nos frater Valentinus, Abbas Monasterii Lehenyn, notum facimus vniuerſis preſentes literas inſpecturis uel auditis, Quod nos autoritate paterna et commiſſione reuerendiſſimi in Chriſto patris et domini, domini Wilhelmi, Abbatis Ciſterti, ac totius capituli generalis die dati preſentium perſonaliter uiſitantes ac reformantes uenerabile monaſterium porte celi, nobis immediate ſubiectum, noſtri ſacri Cystertienſis ordinis, aſſidente nobis uenerabili in Chriſto patre et domino, domino Petro, Abbate Monasterii Chorin, uenerabilis pater, dominus Arnoldus, Abbas dicti loci, coram nobis aſſiſtens, multis ſuſpiriis et queruloſis gemitibus expoſuit, quomodo iam ſenio ac multis diuturnis laboribus et fatigis grauatus per annos multos, quibus monaſterio porte Celi in regimine Abbatiali preſuit, ammodo ad tanta onera ſupportanda non ſufficeret Rogauitque inſtantiffime, ut eius liberam ac ſpontaneam ceſſionem et reſignationem ſuſcipere dignaremur. Nos deſuper habito conſilio totius conuentus et eorum aſſenſu, licet grauit tandem ſue dicte petitioni annuimus eumque a regimine Abbatiali ſupportauimus et abſoluimus in dei nomine. Ipſe quoque omnes ſibi profeſſos economos mox a profeſſione ſibi facta uiua uoce abſoluit, Ac deinde collatione per nos ad eos habita hortati ſumus de modo legitimo procedendi in futura electione. Deinde uocatis ad medium priore, ſuppriori ac Cellerario monaſterii commiſimus, ut ſecedentes in partem conuenirent et concordarent de electoribus idoneis, qui exeuntes deliberauerunt mutuo et egreſſi in capitulum, nominauerunt duodecim fratres religioſos dicti monaſterii profeſſos, quorum nomina ſunt hec: Dominus Arnoldus, Senior Abbas, frater Ludowicus, prior, frater Joannes Schuertfeger, frater Henricus, ſubprior, frater Nicolaus Nuſſia, frater petrus, Cellerarius, frater Gabriel prutze, frater Joachim Schulte, Frater Joannes Schmedt, frater Jacobus Bwmän, frater Burchardus Syneko et frater Petrus Kurth, Quibus in medium uocatis et conſtitutis ceteros requiſiuimus, utrum conſentirent in hos probos uiros, ut quem ipſi eligerent in Abbatem, pro indubitato patre ac paſtore ſuſcipere ac recognoscere uellent; et reſponderunt ſinguli affirmatiue ſuper queſito. Deinde ſolemni iuramento ab Electoribus recepto, nihilominus in uirtute ſancte obedientie et ſub atteſtatione diuini iudicii eis iniunximus, ut uia regia incedentes ſolum Deum pre oculis habentes eligerent eum, quem ſcirent utilioreſ monaſterio, tam in ſpiritualibus, quam temporalibus. Inſuper et miſſa de ſpiritu ſancto ſolemniſter in conuentu decantata, ad quam omnes Electores preſcripti deuote communicauerunt et poſt eius finem, ceteris in capitulum regreſſis et orantibus, nominati electores nos ſingillatim in ſacriſtia acceſſerunt et flexis genibus ac manibus ſuper Euangelia poſitis, iterum ſub iuramento ſuper conſcientiis eorum preſtito, uota ſua coram nobis uia ſcrutinii depoſuerunt, ac ſatis concorditer direxerunt in uenerabilem ac religioſum fratrem Henricum Schmedt, Sacerdotem et monachum ac Suppriori dicti monaſterii, expreſſe profeſſum legitime etatis ac natiuitatis, honeſte uite, bone fame ac ſufficientis literature, Quem in capitulum introgreſſi ad petitionem preſcriptorum Electorum eis publice nominauimus et ad medium euocatum ſuper conſenſu ſuo requiſiuimus, Qui, licet difficulter, tandem conſenſit. Hinc ipſum cum ſolemni cantu Hymni „Te deum laudamus“ precedente conuentu ad eccleſiam deduximus et cum debitis ceremoniis inſtallauimus. Deinde in capitulum regreſſi recepto prius ab eo ſolemni iura-

mento de rebus monasterii non alienandis etc., electionem sic Canonice factam, autoritate ordinis approbauimus, laudauimus et ratificauimus, Inducentes ipsum electum in possessionem realem atque pacificam uel quasi omnium iurium ac rerum siue honorum monasterii per traditionem sigilli et clauuium Abbatie, Regimenque ac curam animarum per dationem libri regule eidem attentius committendo ac demum fratres omnes singillatim accedentes ad pedes eius professionem in manus sibi fecerunt, recepto pacis osculo; et tandem prosequentibus omnibus ipsum electum in domum Abbatialem intromissimus in sede Abbatiali eum collocandum, Vbi fratres officiales sibi inuicem succedentes singuli claues officiorum suorum ad manus domini Abbatis sui in signum mere obedientie resignauerunt, quas usque ad nutum suum omnes sibi redditas receperunt, Imprecantes prosperam patri suo. In quorum omnium fidem et testimonium Sigillum nostrum Abbatiale una cum sigillo reuerendi patris domini Chorynensis, Nec non conuentus monasterii Celiporte presentibus est appensum, presentibus ibidem honestis uiris: Wolfgango Clewitz, Paulo Bochow et petro Nyuelman, Laicis Brandenburgensis Dyoceſis, testibus ad premissa uocatis et requisitis. Acta fuerunt hec in prefato monasterio Celiporte, Die dominica prima mensis Junii, Anno domini Milleſimo quingentesimo Vicesimo secundo.

Et ego Laurentius Demeker, Clericus Halberſtadenſis Dioceſis, publicus sacra apostolica auctoritate Notarius, Quod premissis omnibus et singulis, dum sic ut premititur fierent et agerentur, una cum preminatis testibus presens interfui, eaque omnia et singula sic fieri uidi et audiui, ac in notam sumpſi, Ideoque presens publicum electionis decretum manu mea propria conſcriptum et sigillis reuerendorum patrum ac dominorum Valentini, Lehenynensis, et Petri, Chorynensis, monasteriorum Abbatum una cum sigillo conuentus Monasterii Celiporte munitum et roboratum exinde confeci, subscripsi et signaui Signoque, nomine et cognomine meis solitis et consuētis muniui, in fidem et testimonium omnium et singulorum premissorum rogatus et requisitus.

Dise Copej ist von mir ostgenantem Notario Erasmo Seydell mit Irem Rechten Vnschadehaften Pergamenen Original Collationiret, Auscultiret vnd vorgeleicht sich mit demselben allenthalben von wort zu wordt, Welchss Ich mit diser meiner eigenen Handschrift bekenne vnd bezeuge.

Nachtrag

der in dem vorstehenden Copialbuche nicht enthaltenen, das Kloster Himmelpfort oder die Stadt Lychen betreffenden Urkunden.

CVIII. Fürst Heinrich von Mecklenburg vereignet das Patronat über die Pfarrkirche zu Lychen dem Johanniter-Orden, am 30. Januar 1302.

In nomine sancte et indiuidue trinitatis. Omnibus cristi fidelibus presencia uisuris seu auditoris Hinricus, dei gracia Dominus Magnopolensis, Salutem in domino sempiternam. Quoniam diuersisue rerum occupaciones humanum animum inuoluentes necnon continue temporum